

大熟地一两	全当归二钱	大川芎一钱
柴胡五钱	白芍二钱	大砂仁四分
小青皮一钱	红枣六枚	

## 141. 难产

### 予长子之室

妇人临产，有先下水一日而小儿不下者，有气血两虚，小儿欲出不出者。长女昭华制方活人甚多。壬申冬十一月，长子湘人之室，亦以下水一日用之。附录之以告存心济世者，盖一举而救人二命也。方用：

生潞党二两	当归三两	牛膝四两
-------	------	------

上三味，浓煎顿食顷即产，盖取其气血两补，并利用牛膝之坠胎也。气分充满者，去党参，加牛膝一两。

## 142. 产后冒风恶寒泄泻

### 曹姓妇

产后冒风恶寒泄泻之证。经前医二进小柴胡汤，泄泻虽止，而壮热头晕，多汗而喘，一身尽疼，恶露不行。予谓产后百脉空虚，风寒易入，此即恶寒泄泻所由来。此时不用温中补虚，反用解外之小柴胡汤张发其阳气，因有发热头晕之变。瘀血为阳气吸引，不得下行，故身痛。阳气郁冒于上，故多汗而喘。予即认定虚寒，用：

潞党参三钱	炙黄芪三钱	熟地黄二两
归身五钱	附子三钱	麦冬四钱

外加姜枣，一剂而浮阳减，继以胶艾汤而恶露通。

夫小柴胡汤能致郁冒，岂有本郁冒而反用小柴胡汤之理，足见仲师此方，专为大便坚呕不能食而设。盖以止少阳之呕逆。留胃液而润肠燥，并欲下行之腑气，不为浮阳吸引也。仲师恐人误认为郁冒方治，故于节末另提大便坚呕不能食二层。二者之中，又以呕不能食为主。然非好学深思心知其意，固未易为浅见